

金華黃先生文集

黃學士文集序

翰林侍講學士金華黃先生文集總四十三卷其初彙三卷則未第時作監察御史臨川危素所編次續彙四十卷則皆登第後作門人王生宋生所編次也先生之文章刮磨潔雪如明珠白璧藉以繅綺讀之者但見其先瑩而含蓄華縟而粹溫令人愛玩歎息之不已而不知其致力之勤用心之苦也故其見諸朝廷簡冊之紀載山林泉石之詠訶無不各得其體而極其趣以自成一家人之言不既甚盛矣乎余嘗論之文章與世運同為盛衰或百年或數十年輒一見焉先生當科目久廢之餘文治復興之日得大肆力於為己之學以擅名于海內雖其超見卓識有以異於人其亦適值甘逆之一盛也耶譬諸山川之風氣草木之花實息者必復悴者必榮蓋亦理執之必然者夫豈偶

然而已哉先生領延祐甲寅鄉薦先文靖公實為考官於師秦
有契冢之好其後同居史館又同侍 經筵文設為尤篤比廉

問閩南過金華得先生之集於王生故叙而授之三山學官俾
荆梓以惠來學先生登進士第授將仕郎台州寧海縣丞歷石
堰場監運諸暨州判官浮沈州縣幾二十年始入翰林應奉文
字尋丁外艱服除改國子博士居六年以太夫人春秋高乞外
補遂提舉江浙儒學年六十有四竟辭祿歸養以中順大夫秘
書少監致仕及終太夫人喪年已踰七十矣復被 召為翰林直
學士兼 經筵官陞侍講學士中奉大夫同知 經筵事數告
老不許久 迺得謝去今年七十又九猶康強善飲啖援筆騎馳
如壯歲云至正十五年十月既望朝散大夫福建閩海道肅政
廉訪使宣城貢師秦序

金華黃先生文集卷第一

初藁一

五言古詩

臨川危素編次

潘昂劉耳校正

襟詩五首

日月東西行羣動六不息寄身萬物中寧獨謝茲役所以魯中
雙遑遑走南北聖哲諒已然旅人能久安

晨起步南園旭日朗以清葵花衆草中曄曄敷丹榮流光非汝
私獨爾心自傾覽物有深懷竚立方舍情

璞玉與寶劍淪落初未偶君看被滿衲各在千年後將身比金
石誰當獨長久悠悠百代下相知復何有

孤雲澹無心出山偶為雨長風忽吹散渺渺歸無處唯餘向來
山突兀青如故慷慨魯仲連功成身已去

春風著萬物欣欣皆自私可憐兒女花榮悴更相持獨有澗底

松偃蓋如不知何疑楊執戟草玄騎若絲

效古五首

上山見明月下山月相隨月豈知愛我我行自見之故山日已
遠故人不可思殷勤謝明月願爾無時虧

女美衆所悅士窮世所輕輕重安足言泥盡水自清淮陰初寄
食曲腰跨下行季子黃金多妻嫂來相迎自古已復然歎息空
吞聲

擊石乃有大石天光不揚攀天亦有路天高路何長嵯峨萬古
雲下覆歌尖場富貴誠足多貧賤不可忘

落花隨風吹各自東西飛花飛既不息水流復無極同生不同
歸能勿異顏色水生則有枝豹死則有皮悠悠岐路間多言亦
奚為

飲酒莫盡醉，盡醉無餘權。讀書莫弔古，弔古多悲酸。蕭艾救中野，白露摧芳蘭。鳳飢不得死，鴟梟食琅玕。去去復去去，采芝青雲端。

人事如草木

人事如草木，一氣榮悴之外物。何預人而真喜與悲？堂堂異姓王，昔者跨下兒。窮通本解后，達者固不疑。阮生亦隘人，慟失真奚為？

煌煌明月珠

煌煌明月珠，未害居濁水。君看黃河黃，豈解污清濟。我方遺吾形，龍辱齊一指。懸知破琴戴未若，槌搯稱。

微雲翳白日

微雲翳白日，羣動何喧喧。嗚呼麒麟兒，化為猴與猿。登高望四

荒但見黃河奔誰我沂其流與我歸崑崙
崑崙萎蕤青桂花霜霰日已繁豈不有桃李對之可忘言

古意

荆人初得玉趺足辭巖阿持獻萬乘君
君門正嵯峨誰其尸國工認以石見
詞迷拜誠不忍欺君反同科臣口不自
明臣心終靡它抱璞重再拜呼天淚滴
沱淚盡血可續玉在良已多是事古則
然嗚呼今柰何

連雨禱書五首

蕭蕭十日雨出門竟何之不愁道路難
所懼沾我衣悠悠看屋梁作計誠已非
有酒不解飲且遂求吾詩

昔慕京里翁頗復志耕耘偶入翰墨場
抱筆學為文偃蹇獨何成喧啾浪云云
念彼荷蓑子窮年愧其勤

虛堂坐無言
繾綣悲宿昔
常時眼中人已如
不相識
到琢者誰
子令我喜折屐
忍去已莫追
一咲岸玄憤

我思仇山人
山川莽回互
十書九不到
木葉歲頻暮
頗聞近移
居併失夢中路
得無挈妻兒
倒載入山去

今日曷不樂
孤倡無與酬
兀坐把書卷
展玩不自休
借問誰所
為
其人已千秋
山雨政可聽
橫書置牀頭

晚晴

洩雲散積雨
林木含餘清
披衣有奇懷
偶從林叟行
新晴遠峯
麗夕陰孤花
明曠日固所
虞聊茲息營營

夜歸

空山四舉寒
落日翳榛莽
蜿蜒草中迷
躡屩度寒雨
楠杉穴幻深
黑忽忽疑伏
虎林窮澗水
明稍聽歸人語

讀忠簡定公遺事

公初起滄陽艱危屬多壘蒼然國家意委身干戈裏陰聽卷翠
華翔雪被齒紀悠悠冥淵日方盡揮不止寅恭秉齋鉞際會開
朱邱長安付馮異漢業中興始宮庭數汎掃蹕路無荆杞疚心
望變與感激涕如水上表方出師嗚呼孔明死宴安不可懷肉
食母乃鄙巨舟竟未焚三語猶在耳蕭然舊祠下碧草垂階祀
登堂挹光儀杰寫仍几几千年墮淚碑一夫敢殘毀傳家有遺
書叙事非虛美勗哉慎失墜庶以裨信史

陪諸老夜飲

世故不可料忽若浮雲移生今百年內顛倒殊懼悲願惟我與
公異代同一時覽古既深慨撫今亦餘噫長川去悠悠青山暮
委蛇向來遠遊意我行方遲遲咄哉有志士卒歲恒寒飢况復

託渺茫欲與千載期
盈虛信天運疲與豈人為
願公姑舍是一
鷓鴣聊可持

曉行湖上

曉行重湖曲旭日青林半
霧露寒未除鳧鷖靜初散
寅綠際餘景閃倏多遺玩
會心乍有得撫已還成歎
夙予丹霞約久茲芳洲畔
獨往願易違離居歲方換
沙暄芷芽動春遠川華亂
存聊寂寞取遠豈爛漫小
隱倘見拓漁樵共昏旦

西峴峯

層雲花春岑急瀨淺嵌竇
脩蹊入窈窕泉綠蔚以茂
名亭標水樂柱折荒碑仆
幽尋得縹緲亂石砭結構
青精午堪飯碧澗寒可漱
平生慕真賞及此成解后
冥探指絕頂有路息通綠
藤度蒙密翠氣濕衣袖寄
身萬物中下眺人寰陋清
臨襟風竹大

滿落巖欹東峰在眉睫可望不可就同遊却何時
瑤州春已秀

夜興三首

秋風入病骨殘夢翛然驚芭蕉葉間露風過皆成聲攬衣沈寐
內搔首天河橫飢蛩語不休中宵誰汝令孤鴻亦何苦犯霜度
微明悠悠念羣動百感忽我并大化倘不爾吾其免營營

寒星挂疎林夜色翳餘暝雞聲驅行客出門路方永亦有山中
人熟睡方未醒而我立於獨婆娑玩光景一嘆天宇青此意君

自領

舉頭見殘月葉脫知深秋今我曷不樂歲月如驚鷗常憐古志
士辛苦歌飯牛空山夜溟溟政合秉燭遊臨風振吾衣蕭瑟不
得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春温兀然處膝
下不聞晨興昏叢叢萬井中陳生深閉門暉暉百花時陳生不
窺園常恐去左右或乘覆青恩一朝抱長痛飛霜墮秋蓋鹽酪
不入口日夜涕翻盆欲娶弗及養失言終不啻尚賴百歲後兄
子父所孫朝來遊子衣忽逐東風翻世方醉糟粕何庸薦穢尊
陳生願謂我是事安足論幸託山水窟放情詠蘭蓀嗟今學步
者觸險爭飛奔願爾利鋤鏗深斲六籍根願爾進竿矰高折百
聖源源長流自遠根大枝乃蕃勿搖崔嵬筆誇作礫砢言弘惟
孝與弟百行茲其元吐哉行勿休日月方云云贈言豈予敢情
真覺辭繁匪為陳生榮庶感薄俗敦

述懷

端居有少感求志無餘營夙違金門路緬愛丹丘名課忝君子

願林身廁羣英早，栖念遠引窘步迷。先征僥默教，宿尚低徊祖。
平生伏枕勸中疾，攬衣寄邈情上天。廓澄穆列宿，揚光晶俯視。
林木改仰悲，鴻鳴跂予秉。素十年守柴荆，希世華近務。蒸隱
餘衷誠，願言良時晚。庶保幽人貞。

寄方子踐子茂

窮居悵無遂，徂歲聿載陰。飛翹隕芳華，候蛩厲哀音。曾颺扇叢
薄，泣露栖喬林。撫景慨徃古，端操思繼今。折蘭間幽佩，解纓濯
清澗。石林宥葱蒨，桂栢鬱蕭森。遺世豈余敢，巨時非我任。覽已
謝高軌，即事念所欽。纏綿阻道里，緬邈眺崗岑。委懷貯芳訊，貽
好在規箴。

寄俞子易

閨居寡歡豫，枉駕忻周旋。清言邁脩夜，朱火銷餘烟。嘉會良不

易鬻抱罄所宣按余徇微業春冬屢徂遷著微作往指馳芳歇
時賢曠茲企三益揮袂增慨然杪秋淒且厲郊圻曠阡眠振飢
捲飛藿積霰迷遐川契濶歲復流瞻望情所牽存期尚勿奪輔
仁庶不訾紫芝無新曲白駒有遺篇失心遂招要贈言比芳荃

東園晚歸

洪濫嬰近務起遙愛佳辰興言望東菑良苗藹津津鄙人昧時
趨曠途風旣遵幸遠簪組累稍欣田圃隣兀兀登故畦悠悠賸
城闈理穢出新竹撼枯落荆薪夕日返遠川餘暉散衣巾疊疊
物變依依念農人渠渠長者惻惻非賤貧

送凌吉叟杭州教授

浙水西八州雖杭寔名都古來萬人海逐逐無賢愚况茲百年
後淳朴古不如翩翩誰家兒白馬驕路隔春風樊榭醉一咲百

解珠亦有朱門家齊謳問吳歛銷綺散烟霧縹緲被僮奴可憐
披蚩蚩久為虹塵驅頽俗如波瀾孰障羣流豈又如敗屋辟風
雨須人扶博士非冗官豈即無良圖當令歌舞場化作弦誦區
行矣徇所務辭章信其餘春風捲別衣晴沙秀寒蘆何以贈子
行白雲不可呼聊持狂者言用比貂襜褕

送朱仲山之京

騏驎出塞注意欲周八極易豆豈不多未便甘伏櫪念君抱耿
耿坐視暄涼易忽辭白髮親去作青雲客應恐鄧仲華咲尔長
寐寐鄙人屬有念未辦經世策青燈兩如綫窮巷方偏反懸知
操斧斤不必睨樗櫟住哉布汝懷庶用副前席勿云萬戶侯自
可談咲覓百年滔滔內岐路足南北出處會有為聚散奚暇惜
歌我辛苦詞送子遠行役崢嶸壯士志襟滂遊子色那無平生

期慎爾保金石莫將賈生淚先為離別滴

贈葉審言別

昔人稱好士乃有黃金臺黃金亦何物願用驕賢才葉君被短
褐志力何雄哉北斗叫閭闔紅雲指崔嵬終然無苟售自保同
嬰孩車服非吾榮黃金直浮埃十年今何官茅屋歌蒼苔豈無
琅玕樹鳳飛故低徊一朝脫身去歎觀雲路開葉君善自愛往
矣無嫌猜迷邦古所誦豈弟責不回願言吐奇骨落落排風雷
尚念窮賤者衡門守蒿萊

舟中偶書

我舟合江浙水清石額額念此殊可喜如何有假沙頭白髮翁
捫蝨了晨夕茅茨八九椽終歲閱過客

曉望

城頭鷓鴣曙起坐理冠憤開意寫遙望烟霧竟川澤喧喧市聲
動漠漠井氣白如何山中人歲莫塵埃客

晚泊釣臺下

四山環一水遺臺故巘岼那無漁雙居政復不敢安舍舟不敢
雨憑軒俯清灣念昔乘興來無從寄遊觀今我有行役乃尔客
躋攀山靈豈愛我為解塵土願落日莫頽藻清風聞珮環幽尋
不可極林暝吾當還却去堂層碧孤舟生晚寒

登鍾山最高頂以三山半落青天外為韻得天字

平陸湧千里茲山乃穹然猶憐布地金未即辭喧闐巖液散珠
球春崗走琬甃稍欣涉幽邃登頓衣屢褰路細石礚礚崖深竹
娟娟洞扉剝開故峻峯指中天冥探厯巖峯垂蘿弱容牽碧潭
隱光恠華雨標崇筵下晚飛鳥背茫茫但蒼烟眇默玄圓期淩

涼雲暗宿林鴛將未能惆悵春風前

休日集于城南

後未極遠遊牽世乖明略豈不有簡書未能置丘壑崇崗近盤
互春物紛照灼林沐集諸秀迂趾惠前諾稍空林中尊復蘇霞
上作迨迨歷墟瓏靡靡賊城郭備楊蔭暗渚野櫻散未萼撫時
悼推斥羣景願栖託損益向子明才能賈生薄曠言觀歲寒無
將媿場藿

卞忠貞公墓

江左失其御強臣玩天誅歡娛一以乖狂獬無趨黃塵播草
野彤庭交劍及事樞始誰秉捧手如奔狐偉茲百世士死與二
子俱孤哀耿未沫足以孚豚魚義旗果東指白日開天衢孰最
穢亂功之人或其徒伊昔大雅廢清言鄙文儒未黍已橫委衣

冠尚舒徐屹然見砥柱獨障狂瀾超高風邈難攀捐生乃區區
青簡煥遺烈蒼梧閔幽槿日夕悲吹多天高年運徂世方用軌
波猶將愧玄厓江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃尔能蒞蒞借問誰所
遣馬公古能吏當年印累累庶務劇千緡藏龜不待灼聘駿無
留警偪及兵馬區蕩然承平意宴安亦踟躕固步方不易至尊
久嘗騰壯士頻烈嘗煌煌青冥鉞可同牛刀哉嗚呼豪俊人竟
偃風雲志致身豈云早生世已其季安知潁川守遂非廟堂器
嚴祠間寂寥古木含蒼翠平生辦香祝母迺兒女事如何百載
下能墮看碑淚永惟茂陵翁苦心抱天藝力耘且有收龜勉觀
未喬渠渠未梓恭喋喋市井議度哉瞻前脩樹德母自畏

送人赴廬陽學官

播非人物居潭陽實其隣荒淫謀巫鬼哀怨餘騷臣念子有行
侵水陸弥數旬乃知臯比座佇承文翰賓遐徽指天末男邦控
城闔俎豆嘗在列冠裳爰未臻足明理化盛演溢周窮坦廣陌
望八荒出車日鞞鞞荆孰無遣忠信惟書紳簡書有程期取
別無遂巡揚鑣觸炎熱振鐸驚遠人沅水春蕩滴楚峯暮嶙峋
行行慎其度離別何苦辛

獲金陵留別一二同志

盛名不易居直道我所遵雖在嘉遜志未渝白圭言罷釣出滄
海迴帆遡江濱城闔遠滅沒風水屢崩奔蕭條故交地愴恨遊
子魂始雷茂陽澤孤生限窮鱗沉翔自殊勢衰榮貴同根戰勝
物可遺目擊道已存桑梓詎無取絕弦難具論寄言同心子毋

徒念加飡

龍灣夜泊

乘潮出遠浦日暮北風平高亭不可望遙遙鼓笳聲月明寒虜
下江空夕烟生非關川途念沈憂坐自盈

敬亭山

昔窺謝公作今陟敬亭寺徵素忻始遊賞勝資深詣脩脩綠水
木宛宛交蹊術綠縹澗州豐幽馳松颺駛微鍾響昏障高閣浮
花氣韋熏梅檀妙宜愛巖壑媚憑生實內惕即事多冥契息陰
瞻枏檟奉芳懷芝桂海岳期屢遷石林路深閤經營乖道要迢
窄餘物累稽首調御尊尚飲無生惠

宿雲黃山作

東髮弄文史挂席去瀛壖解后乘良會橫落迨茲年息景念生

理洗心賓衆筵恭惟上皇代異人秘靈詮宗師既逾海茲山亦
棲賢金棺滅霞樹寶篋緘紅蓮仰窺攝誘功信知願力堅內愧
實菲薄冥通未精專褰裳碧峯雨熱香石林烟綵翠何紛紜苔
澗窅澗沿尋幽匪外遠蘊真冀重宣二邊離有無五濁空腥膻
豈伊俄頃用庶謝平生緣

重登雲黃山

茲山實靈竒吐納變舒慘太常闕弗錄名跡何黥黥重華秩山
川盛典軼封礧蒐遺侈綸綉翫潔羅醯醢腐儒世所貸薄藝守
鉛槧無能旅駭奔徒取肆遊覽霖潦時始收天地餘藹掩嵐光
乍璘璣石狀終黥黥行行恣芒屨徃徃得蛙坎冒進誠近貪自
畫將豈敢久之零埃豁秀色坐可攬青瑩插鋒鏑翁髭披菡萏
崖奔馬駢駢石踞扁耽耽高尋指大路幽曠極玄窟前行幾台

背後或兩髦綠尚既蹠蹠登嶺仍輜輶舉頭塔廟酒地平息
如毯天人所食息瑀玖化餘糗林輝寶燈燒風語金鐸撼敗壁
詩者誰漬墨亂濃淡險盡乃更佳疲極復何憾是節蕤賓初野
薦首昌歎莫瀝茶可啜刮石蜜堪噉名談析毫髮苦語瀝肝膽
理冥心自珍機湊首屢領陽烏若西蕭衆色齊慘澹崔嵬識梗
桷蒼莽辨葭萸莫投僧所褭鍾鏜鼓絕統羣居肅不只共飯聲
有噴迴晚夸奪場撫事叢百感超名蛾赴燭逐利魚投稔何時
脫火宅霍若髮去領綺言息誦誦妙供兮菴菴於焉寄相羊庶
以忘坎壇誰云入道苦餘味需椒攬

秋夜觀書作

閒居感時駛獨學難為功眷言思古人幽懷極冲冲秉燭起中
夜攬卷來清風恭惟千載心皎潔懸無窮砥俗自升降世道非

汗隆後來亦奚為黑白分相攻芳華乍可悅執轅何由通吾將
離言託庶以觀其同所憂明為累不懼苦不豐開軒視明河白日
當天中怡然掩書坐夜氣方鴻濛

覽元次山春陵行有感近事追和其

惟王始建官氏命有所司柰何閭流萃束手無一施屬者秋夏
交上狀殊酸悲赤日紛按行人馬同時疲連阡見標榜不救飢
與羸仍聞恣鞭箠慘切傷膚皮檢覈須再三供帳常恐遲哀哀
鬻兒女貿貿行安之感茲欲無訴既往何由追尚慙噢咻恩稍
緩租稅期云胡有倉卒徵斂更相隨但將充其數肯復計爾費
肉食不自鄙謂我非敢知栖栖顧石儲剝割無或遺言是隣壤
凶藉此敷恩慈寧知是州人俟死它無為出語餘喘息行步須
扶持猶令比藥土疾苦端謂誰依首州縣間道責自其宜况迫

大府令聯絡飛符移豺狼方在郊鷹隼宜用時區區獮狐兔政
爾何增廚吾賤不及議為君陳苦辭

登錢山望孤城慨然而賦

吳興水為州諸山若浮萍况此一培塿瑣屑世未名所欣漁樵
居乃與縉錫并種竹有萬竿結茅無十楹老僧解人意蹤履能
相迎芳艸被行迹朱藤暗巖高蕭條空階暮日照莓苔青猶綠
所歷早未極遊眺情益身白雲上始見春申城想當高會時樓
觀飛青冥竭海薦壘勺龜山羞鼎鑪安知千載後寂寞無人行
煌煌冠蓋區壤壤狐兔營歸來朱門客聽此松風聲

逸山過姚紫芝別業

逸山誠復佳逸人不可逢何言一啜頃得此蒼鷄翁今晨過其
廬碧苔減行蹤坐我松竹間野菽羅甘豐初無驚世談頗多曠

士風念昔去巖壑，嘒嘒白雲中。白雲故無恙，我乃羞樊籠。祇應
山林癖，未易藥石攻。高期出解后，意氣將無同。十年舊泉石，忽
忽蟠吾胷。起視白日低，歸禽亂西東。拔地森四壁，攬天唯一峯。
復聞麻谷幽，近與金蓋通。山態方屢改，泉源殊未窮。湫然一區
內，嗟我懂懂。

次韻荅蔣明府先生

文章不經濟，耽書或成淫。偶從長者遊，稍窺古人心。不琢豈非
玉，無絃孰為琴。歲晏燈火微，江濶魚龍深。願言報嘉貺，安得靈
南金。

次韻荅僑公上人

花琴辭故山，落葉被四野。淒其不能聲，豈曰無和者。誰誇織女
工，苦念嫦娥寡。請公毋多談，呼酒饌老瓦。

和方韶父先生以滿城風雨近重陽為韻七首
掩書生中宵隋空葉落滿不見書中人蒼烟夢秋館
豈不有膏沐所慕非傾城翠袖日已薄晶哉歲寒情
栖遲憐繁瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用潄
江瑤配荔枝膠處終不近好醜且勿爭天道有定分
聾丞遠已矣目斷山千重烟霞故無恙勝會何由逢
寒花表復榮東籬幾殘陽蟠柀亦何好千年期一嘗

七言古詩

可憐行

紅顏白面可憐子杖藜飢走荒山裹翠眉新婦雪色兒掩袖啼
瘦如鬼道傍朱門照霜戟腸斷汝翁呼不起金魚象笏供樺蒲

執袴終然愁餓死春風秋月哀思多嗟汝少年棄老何

崑崙歌寄吾丘子行

翠鸞啼雲大四垂花龍靈靈神姥歸金僊憶君淚如水昌陽落
花青蕊蕊晉城珠闕揚素氛開明信猿環九門羲和走馬不待
人鯨魚吸海海生塵若有人兮悵脩阻紫玉參差老鳳語咲掉
如意教雲舞雲間鶴雖生兩羽歸來歸來勿蹉跎秋風吹折珙
琪柯

梓山行贈素生

昔聞山中采藥翁問姓但指簷前桐君家本以素為氏胡不種
桑翻種梓桐君采藥不學醫素君學醫兼采詩朝來索我歌
梓山使我閣筆頻堵頤問君梓樹家何處青山難尋夢中路但
見清風兩袖寬詩筒戢戢多於樹長歌短歌亦奚為坐看藥籠

懸珠絲種素種樺俱有術也應無術醫君癡

采芝曲贈永嘉林道士

碧峯矗起三十六老芝千年琢紅玉帝遣仙人下采芝迷花失
石嵒忘歸忘歸樂載無消息蟠桃積核高數尺何日青牛駕爾
還肯念金華牧羊客

登方巖謁共靈廟却至壽山寺

一峯屹立摩蒼穹四山拱揖如朝宗
黃綠飛磴入鳥道獨扶瘦竹披蒙茸
初驚細路躡垠堦欵見巨石蟠穹窿
洞門高開得絕頂直恐上與丹霄通
想像胡侯此弦韻草木遺韻猶泐泐
前脩往矣不可作尚喜儂說餘靈宮
登堂謁拜仰風采奕奕華袞盤
寶龍白袍方領儼旁侍英姿颯爽
皆人雄或云衆神各有職出納雲
雨天無功斬藤絕緜泣萬鬼飲馬
大壑清羣凶初疑此事

出俚語粉飾詐誕誇兒童又疑靈異古或有荒忽變幻難為窮
咄茲茫昧無足問但任俗子何懂懂歲時歌舞連數郡奔走童
叟多於蠶前呵後殿擬法駕翠華赤羽搖晴空恭惟英靈本正
直倏忽來往無西東胡宣終歲久盤礴縮取備物華其躬荒哉
舊俗豈侯意嗟我欲語愁無從拂衣徑去指巖麓巒花澗草絳
青紅峯迴路轉逢古寺竒窈石室穿玲瓏連崗爭前擁奔馬飛
瀑怒落懸長虹荒尋遠討不易極况迺人事多匆匆向來獨立
渺何許烟霞滅沒山重重却歸溪館弄明月臥聽簫鼓未天風

金華山贈同遊者三十韻

杖藜初出城西門萬株紅樹如雲屯芙蓉峯前問行路窈窕一
線隨潺湲水聲漸遠山漸近弱蘿纖葛手所捫須臾橫側變峯
嶺高岸忽復為平原細泉澗澗竹竿直石樹駢立疑同根剝金

既碧逢疲剝猶以第一名其軒天明獨去弔遺迹玉女委蛻空
丘墻樓居起望明滅石扉呀若山之樊峙幽穴險往沮洳膝之
行匍匐不得奔剝觀崖广架凜沈覆龍繞雷鑄琬琬紛綸恠狀
滿巖腹熊兩路伏鸞風騫其餘瑣細無不有形求像索難具言
前趨林麓却下絕俯矚九地窮涯垠青枝翠羽不復辨但聽風
水聲喧喧高燒松炬度其背珠箔忽墮華燈繫聳身上出指絕
頂碧相高下彌山圍遙穿蓬艾踞雲雨險數從此不易論秋臺
細路莫容足下瞰不測傍無藩恠藤如鈞草如劍舉首仰
援山翁頤之吠引僻前牽後接猴與猿馳坑跨谷歇側過背汗
喘息愈急燔陰沈古洞閃星日雖有寒暑無朝昏却行左轉復
深入愈覺惴惴搖心魂珠纓縹渺現滿月稽首大士天人尊拂
衣徑逐飛鳥下青山出沒波濤翻或云漢人隱身處仿佛肩背

餘苔痕蛇蟠磬折又數里龕巖十丈開墉坦疲歸草堂殿突兀
坐着雲月吐復吞怡然携手盡文士頗覺筆下來源源名山石
室如可託幸子歲晏未無諉

送俞觀光

寒窓讀書叻政悲坐閱剝琢走啓扉衝風踴凍至者誰俞子訪
我銖剡溪相逢把辭語移時婦女驚咲羣兒疑俗物病我不可
醫眼明見此珊瑚枝朝來贈我天馬詩忽然掉頭去莫羈臆端
氣息干虹蜺詎能折腰向小兒文章技癢踰爾嬉茶熟聖屢今
毋遽繫我愛子莫助之臨歧躑躅徒嗟咨

讀清江集

元祐儒者煥星斗後有作者非其偶二龍三鳳何續紛况乃淵
源魯中史道臣塵網識英輿想見世澤餘忠厚長公平生二三

策大廷披腹驚羣后風流斑斑仲與季茅茨采椽絕丹雘獨迨
古昔嵩陽秋稍扶疵瑕到瓊玖却蟠餘力歸賦詠古硬清圓無
不有爰初人文啓河洛下逮百氏分戶牖空言可託匪末藝巨
筆待撥瀕好手典刑未墜乃至今吾生已幸何云後青燈照夜
雨如綫與論微辭煩擊剖迨慕政復慙捧心贊美胡能付鉗口
從遊起死不敢期儻挹殘膏注空朽

題李坦之詩卷

神仙中人世莫識政以文章為戲劇李生也復可憐人手種蹻
桃待春色山空歲寒誰念汝青楓墜影霜露白遠遊賦成一朝
去翠蓋雲旗暮何適蓬萊烟霧秋冥冥鄧君白鹿無消息袖中
驪珠三百顆夜深勿近蛟龍宅金華之山青矗天山人看山忘
歲年黃精芝草幸可食安得與子巢其間石牀醉聽松風眠無

為長歌怨如笑使汝惻愴凋朱顏

甲辰清明日陪諸公入南山拜胡侍郎墓回汎舟湖中作
日終甲子斗直辰持觴遠酌胡侯墳雨霰颺鷗背城闌四十有
四同州人半為吳語如季真湖窮岸出水陸分舍舟登途指嶸
峭少年健走黃犢奔或乃喝道驚春雲老翁藹足仍後塵解衣
狂眠草為茵前趨一里趨廟門杖屨不得辭微辛嚴福高居絕
四隣傍為一丘標石麟升階鞠躬羞藻蘋拜興有相祝有文亦
或稽首稱諸孫歸途探幽扶荒榛下晚塵土多蟲蟲放舟催發
無遠巡勝賞莫許窮涯坂開蓬列坐羅鹽筆託名鄉飲無主賓
誰歟解事強討論欲以窮達為卑尊美人今代王右軍口吐秀
句天葩芬鴈行松立何紛紛爭言我公詩絕倫雁眉被褐兩山
民閉日宴坐方甲申艤舟黑亭鷗噪昏晴場吹花灑衣巾裁詩

紀實聊云云慎勿浪傳來怒嘆

送傅主簿

吾聞上古之士比屋皆可封有材不必登王公可憐衛青日尊
貴飛符自老風塵中傅公平生經濟手却抱一經今白首隨人騎
馬著青衫爽氣如虹射牛斗幽門大笑望長安長安萬里行路
難行路難知奈何贈公一杯酒請公聽我歌崑崙之山兮高巍
巍黃河之水兮清有時洛陽少年休太息東山謝公來未遲燕
昭之事不足云 陛下聖德如華勳願公功成名遂身早退
魯連小兒能笑人

茗溪風雨中章德茂同汎

黑風翻江白雨傾檣歌棹側斷人行此時唯我與章子孤舟落
漾烟波裏烟波蒼蒼楊柳黃浩歌擊與彌長恻然一背葉恣

舞青山白塔頻低昂朝過城南莫城北舟人問我將誰適草子
掉頭作吳語秋水夜來深幾尺忽看大字標竹林寺門對水仍
陰陰敲門見竹不見人竹間翠石何蕭森迴舟少林雨如注四
顧冥茫但烟霧魚驚龍躍吾不知披蓑却入菰蒲去岸傍羣兒
拍手呼喚言狂客世所無嗚呼古人今則無後來視我知何如
為君留此有聲畫題作扁舟烟雨圖

由苕溪出太湖抵陽羨十四韻

首陽山人餓至死陶公乃為飢所驅大賢出處自有意腐鼠何
得疑鴻雖誰初令我隨世網久抱礪斫行崎嶇今晨咲與親友
別烟波泱泱扁舟孤穹天大澤合為一回晚人境茫如無向來
蟻聚安足戀而取窘束同囚拘暮投高館燈閃閃坐談姬孔歌
黃虞是間幸可客一息孰與臣翔肩侏儒汗顏俛首飽腥腐咄

子所樂非我娛故人殷勤入我夢云我作計陋且愚此生通塞
久自斷豈愛一勺忘江湖春風二月花蔽野珊瑚玉樹惟空株
丈夫兒女各有事為君起坐生長吁

次韻子踐雪中見寄

前年江南雪一尺腐儒共走誇三白寧知有客卧欲僵凍骨稜
層撐鐵石今年復此雪塞門江湖無處浮吾樽野風蕭蕭日色
死看人射虎蒼山根牛衣覆寒疫復疫金玉餘音慙慰藉平生
萬卷定安施一瓚送我當渠借

金華黃先生文集卷第二

初葉二

五言律詩

臨川危素編次

番禺劉耳校正

寄方韶父先生

牢落江南賦知音寄渺茫鹿麋行處有芝草夢中香遙興滄浪
潤悲歌白髮長平生今古淚滴破綠蘿裳

雨二首

兀坐九十日雨聲殊未休花時翻益睡茅屋不禁愁生事吾何
望春寒晚故留江波青滿眼萬里付鸞鷗
泥憐今如此出門知路難蓬蒿春自長桃李夢曾看未覺龍公
倦誰憐燕子寒青燈取蕭瑟千載入憂端

雪

急雪下不止朔風終夜鳴飢蟲應蚤蟄老鴈故南征生理真何

計沉吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘燈火期方
達關山歲欲闌倚門應望汝莫浮駐征鞍

寄友人

憐君山水意局促守柴扉故國悲秋草涼風滿褐衣滄洲斜日
晚自社幾人歸寂寞不遑念天寒木葉稀

秋懷五首

天末雲猶去山中歲欲徂周流吾道在嘆息古人無野鶴疑秋
樹新駒怯暝途蒼茫念同志微薄忝為儒
對酒高天豁登樓落日曠亂蟬悲暮葉老雁赴長雲落魄藉中
散袖遲鄭廣文身名竟如此碌碌汝何云

稍稍秋河落娟娟宿露微天清江不息野迴樹相依回首狂歌
幾經心昨夢非流螢無思極巧入絳帷飛

仰古嗟無及闕情極可哀稱生才見忌賈傅直為災世肯憐
襟襟吾曹悔草萊小詩聊裁爾何乃併生猜

風雨仍搖落江山且滯留懶從生事拙聞惜壯心休弱夢紫
石空槎卧沈流興懷到微物世故劇悠悠

柴荆

杰日薄烏帽柴荆無定棲可能詩似錦乍取醉如泥薄業慙漁
艇深衣逐馬蹄蕭條江海興芳草故萋萋

憑軒

信有儒冠誤憑軒意欲迷山深風雨惡天濶羽毛低他日聞尖
瘴連城送鼓聲荷鋤吾媿爾未敢歎塗泥

風雨

風雨忽如此閉門方晝眠故應為計拙可復要人憐燈火荒村路桑麻杜曲田悠悠今視昔把卷一茫然

抱琴

三尺枯桐樹相隨年歲深此行端有意何處託知音隱隱青山瘦窈窕太古心空携水仙曲更向海中岑

山中懷友七首

大府趨羣彥脩才復壯齡波瀾開白晝羽翼動青冥弱質悲殊調明時敢獨醒未妨茅屋底寂寞抱遺經

望遠空山裏天寒夕夢孤林昏行颺颺江晚變靡蕪風雨憐同病塵沙感壯圖向來懷古意迴首未能無

跡故誰容我交遊重得君論文輕咳唾問俗到耕耘一咲能青

眼相思有白雲春風動閨巷還往謬紛紛
何事虛齋裏猶分首蒼鬢高林容偃蹇衆翼避扶搏黑瘦文星
動青天劍氣寒終南山正好那得悔儒冠

自是麒麟種早栖定幾年故廬南雪下短褐北風前歲暮山林
瘦天高雨露偏肯同兒女輩俛仰事春妍

卓犖恒山秀相逢幾抱琴五年風雨別四海弟兄心雪外梅花
遠山中桂樹深定知嵇林瘦高興滿雲林

洛社推年少清林照士林春風何處客芳草獨行深遺墨收秦
刻新吟學楚音別離無一字目斷白雲岑

悼瘦林栗上人

飛錫徧諸方栖身復故鄉年隨靈樹老人與一琴亡暗草迷春
塔凝塵鎖瘦堂蕭蕭今日雨誰炷影前香

社日重過方子踐

東風吹客衣長憶見君時一別驚雲散重來與燕期
春深今雨夕花老去年枝莫待空山裏青燈有所思

聞子踐臥病

吾子仍多病何人共解顏水聲和藥臼春色闋松關
積雨連三月懷人隔萬山同遊况零落浩蕩可追攀

和吳贊府齋居十詠

焦桐

憐爾抱奇質無香亦自焚村高初偶得音古竟誰聞
天海空遺操冰霜見裂紋中厨方養鶴終得舍夫君

蠹簡

六籍灰寒久名山餘舊藏涼痕微有字芸草寐無香
後死嗟猶

及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虎綠潤雨氣失去陰瓦礫看無
異塵埃積轉深明光幾携入往事復何心

殘畫

勝境不可得微緜餘舊圖丹青初彷彿塵土半模糊蛛絲飛疑
去波濤折漸無良工今豈有為爾一長吁

舊劍

憶啓蛟龍匣提携徑出門紅塵走馬處白日報人恩歲月銅花
澁雲烟斗氣昏淒涼中夜舞回首暗銷魂

塵鏡

古鏡色如墨千年獨此留玉臺蟲網暗珠匣土華浮莫嘆塵埃

滿曾令鬼魅愁盤龍驚已化雲雨夢悠悠

瘞藥

不辭照珠翠早同文字盟何言中路棄無復向人明兩宿高齋
夢秋吟瘞館情相看樂今夕及此慨平生

敗裘

蘇爾亦已久霜風兩袖穿甘從稚子笑未受故人憐雅製餘前
古深期在暮年素絲今化盡念汝獨依然

斷碑

零落秋風臥何年瘞廟碑圖經愁莫載耆舊說頻移野燒龜趺
失荒苔鳥跡疑遙知千載後拂拭轉堪悲

臥鐘

龍簷久摧折沉埋柰爾何畊民誰睥睨野衲自摩挲雅奏多年

歌銘文幾字訛科陽刺棘哀長伴舊銅駝

吳贊府挽詩三首

鶴去愁滄海鴻飛困朔風冥冥方獨往已已竟長終莫挂還鄉
魚真慙厭世弓向來曾慟哭不曼為途窮
百代龍川子風流見外孫餘生唯白帽舊業自青門浩蕩期千
載蒼茫失九原仙華雲縹渺愁絕刻舟痕
懷古餘哀思憐君尚典刑清談無俗子白髮死遺經客社荒春
沙柳山墮瘦星夕陽隣舍笛淒切可堪聽

過謝臯羽墓

識子今無日風流可復尋山林餘楚製弟子解聞音滄海它年
夢青天後疚心平生匣中劍零落遂如今

元日即事

回首人頻異興懷誰與同塵埃欺白苧歲月入青銅雨急蒼茫
外春生浩蕩中長情故園樹一一受東風

八詠樓

懷古荒碑在登樓晚望餘秋陰垂野薄江勢抱城斜天地悲游
子冰霜感歲華紅塵吹短褐歸興及清茄

明月樓

遺堞何年有飛甍壓上頭鼓鼙今大幕香火望靈湫曲岸舟如
失遙沙樹欲浮登臨且吾土未敢恨淹留

溪南即事

莽莽長川去行行薄暮時山光連睥睨寒色入旌旗夕鳥歸飛
急風帆送上蓬世情關物理倏仰寄長思

含香道中

殘日亭猶遠，輕風帽易斜。稻畦低沒鶴，草徑曲行蛇。經世知無
策，謀生會有涯。殷勤理黃菊，畱眼待秋花。

懷楊仲和

離別驚如雨，蹉跎媿後塵。紙今才有數，多爾術能神。玉溼春風
濕，相霄碧樹新。謀軫推吏事，吾敢望平津。

八詠樓遇方子踐

風雨三年別，蒼臨一嘆同。綠萍垂古井，碧瓦暎疎桐。世故違高
枕，吾生劇轉蓬。相逢感曠昔，出處愧匆匆。

杭州寄子踐

尊酒何人共，春光著屨同。乾坤容野馬，歲月失飛鴻。俗眼能無
白，風花故自紅。向來常處士，早已負諸公。

次韻荅子踐

不謂飛霞珮珊珊然寂寞淺相看今兩夕漸近長年人往事驚如
夢何峯擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清言今夕
共大隱昔人稀預恐蒼山麓無從候少微

雨三首

湖濶雲如積天空雨正豪風颺蕙晝夜并邑帶波濤茅屋垂垂
破漁舟故故高何妨張仲蔚環階自蓬蒿

釋子吾憐汝泥行去不難凭欄真自嘆高枕敢求安天地三更
遠江湖五月寒好將遮日手却把釣魚竿

田父愁何訴龍公怒未休千畦沉翠羽百水散黃流小市猶長
閑孤城併欲浮誰誇補天漏此事恐悠悠

金陵客舍漫書

不擬夫容佩終然挂窳窳百年多事始千里一身遙巢燕驚華屋
鞞鷹望赤霄蒼蒼叢桂樹愁絕小山招

陪仇仁父先生登石頭城

談咲逢諸老登臨失故亭薄遊成汗滂高步覺玲峴峽水通吳
白淮山入楚青平生一杯酒及此慰飄零

春日郊行禱興三首

忽忽時頻異垂垂花正繁登臨聊極目出處可忘言風急江光
亂春濃野色昏舊遊嗟契濶覽物思空存

五畝清江曲為農計未疎那無經世策宜付絕交書野笛吹頻
歇漁舟去若虛卜居能有待天地本吾廬

高興真誰共佳晨祗屢經天清風細細花遶樹冥冥勝事今非

昔在歌醉欲醒終南飛鳥外一髮向來青

次韻荅友人

十載論文地寸皆第一豪江湖嗟契濶風雨夢蕭騷
超走知無力標題敢自高期君養翎羽一擊可徒勞

九日登石頭城

背郭蒼塵遠高秋川嶽清幽懷初曠蕩陳迹故縱橫
遙望龍盤舊長憐蟻穴爭紺園隨處闢粉堞向來傾
蕝草窺簪并看碑驗故堊門開蒼耳路亭愛翠微
名遠樹淮南出滄江鳥外明人烟川浩渺風物歲崢嶸
吹帽仍佳節傳觴但老兵愚生襍蛙黽浪走趨清璜
珩去去檣帆盡蕭蕭蘆葦鳴登高未成賦覽古獨含
情政復哀王粲何堪厭稱衡救廬滄海曲目斷白雲生

寄李生

有美維仙李孤標見碧梧高門雷雨露短榻混泥塗姿悍寧為
小機深或類愚洗心瀕貝葉游藝及禱蒲政爾難藏穎幡然獨
抱竿從容觀近效龜俛事羣趨稍按琴心曲能撥牘背書誰將
窮因象莫使避珊瑚它日逢何暮清談動至晡醉醒勞問我喜
怒得令渠契濶江湖迴飄零歲月徂青雲悲捷狂白日仰亭檣
秋社杓榆外南包橘袖初飛騰如借順能勿啖蟾蜍

七言律詩

送孫君文判官文歸桐廬

啖語匆匆似夢中衣裳俄復判西風殘蟬落日那堪別瘦馬長
途喜未窮歲事已空南畝稼歸期應老故山桐興來尚有平生
棹載酒何時覓釣翁

感舊

華屋山丘不可期，峴山依舊綠參差。
空懷下榻延徐孺，無復乘舟訪戴逵。
日暮更聞隣舍笛，歲寒賴有角弓詩。
舊遊寂寞成今古，冷石秋花處象悲。

鳳凰山

蒼海桑田事渺茫，行逢遺老色淒涼。
為言故國遊麋鹿，漫指空山舞鳳凰。
春盡綠莎迷輦道，雨多蒼薺上宮墻。
遙知汴水東流畔，更有平蕪與夕陽。

開元宮

誰使藏舟一夕移，紅樓翠幃未全非。
曾聞帝子乘鸞去，疑有仙人跨鶴歸。
烟徃月明瑤草歇，石壇露冷碧桃稀。
赤欄橋畔多時立，悶看楊花作雪飛。

早起

漢漢晴簷散薄雲，獨搔短髮立清晨。
春風入樹無行迹，曉月窺簾欲近人。
校覺新吟隨夢寐，不知清霧濕衣巾。
何人正踏長安陌，想見看花拂面塵。

九日

獨立憑高發興新，霜清露白復佳辰。
長綵尊照眼不解醉，黃花滿頭應笑人。
橋邊老僧幽期失，巖南故人新句頻。
秋天此日併回首，鴻雁寄書愁未回。

次韻山南先生遣興二首

稍覺春風入翦裁，更無魂夢到塵埃。
苔枝自送黃昏影，寶篆頻消白晝灰。
世態漸應隨日別，老懷可復向人開。
擁爐坐聽蕭蕭雪，載酒携琴也莫來。

蒲團兀坐久忘機，何暇重尋足與非。
老鴈長雲天渺渺，晚花寒

蝶思依依起看丹竈春無恙欲試青鞋雪未晞
鵬鷗逍遙端可耳玉堂何必媿柴扉

寄仇仁父先生

一官十載尚沉淪門巷蕭蕭白屋貧自有陶公為社友
後呼杜老作詩人兒曹故復輕前輩雋步誰當出後塵
招隱詩成無處寄莫雲凝碧坐愁神

寄十八文判官

金觴淒涼四十年風流文采故依然香山老去誰同社
栗里歸來尚有田懷古坐看西日落得春寧問北枝偏
清泉白石多深趣千載心期入近篇

寄仲山

異縣關心翔鷹飛酒燈棋雨計頻違寄書全覺嵇康懶
入夢多

疑李白非黃葉閉門方
寂寂碧雲迴首故依依
相從賴有梅花約
試踏春風走翠微

寄友人

繫舟一別雲水鄉
暮川葭萋方蒼蒼
漳濱臥病它年憶
渭北題詩春日長
蕪菁作花已爛熳
楊柳飛絮苦顛狂
聞道茯苓暖堪斲
遲子青鞋經澗崗

夏日湯書

枕上初殘栢子香
烏聲簾外已斜陽
碧山過雨晴逾好
綠樹無風晚自涼
芳歲背人成荏苒
好詩和夢落蒼茫
求羊何不來三徑
門掩殘書滿石牀

逢葉伯機

水烟沙雨送歸航
楓葉蘆花已十霜
瑤曲天風春夢遠
墨池秋

草故游荒碧峯又是新迴雁白石依然舊化羊一嘆相逢却成別暮雲千里思茫茫

宿賈氏山房

暝色蒼茫赴遠岑獨追燈火下荒潯寒沙細水通幽徑脩竹高
楠走翠陰草草悲歡中疲語悠悠醉醒百年心石烟霜月寒無
寐坐聽鐘出二林

送友人之京

偶緣送遠接清遊烟雨東城晚樹幽離別自應多感慨
談未
害各風流百年芳草頻頻合萬事孤雲故故浮太華黃河入回
首春風愁絕李膺舟

答友人

芝掌峯前一杯酒別離歲晚迤相望野梅如雪遙入眼曉鷹連

天寒叫霜閉門窮巷燈火冷回首 山雲樹長幾時花被却同
宿愧爾詩筒遠送將

憶友人

無復高談慰索居壯心零落竟何如人間還有金臺夢身後誰
傳玉枕書半畝蒼苔埋驛地一聲白雪斷絃初芙蓉峯下開吐
苗淚滴春天草木疎

尖李無淚

青春未受二毛侵謔咲俄聞變古今千日却醒徒有望九原莫
作竟何心平生欠荷劉伶鍾此夜誰談子敬琴水樂亭西烟草
碧舊游回首重沾襟

過烏傷墓

丹青像設始何年翁仲遺墟自古

北人未下馬不知春

樹幾啼鶯牧童畫卧看碑路野衲春耕祭墓田回首長安西日
外茂陵松柏正蒼烟

禱興三首

昔從六客堂前客共買何山渡口船杉松夫道得古寺風雨澤
山連杜鵑憶別老僧如昨日待分幽事及它年春江正綠不能
去勝踐蕭條祗自憐

幾回擬作送春詩出戶春風去不知葉底孤花猶入眼竹根稚
筍欲過眉又拋書卷都如夢閒看香烟偶似癡寄語平生張仲
蔚一歡相屬竟何期

劉生去滌相如器朱子新裁賈誼書百代風流今視昔十年懷
抱我憐渠故應曾對談諧樂也復能容禮法踈風雨蕭蕭守環
堵祗今可望故人車

寄陳君采

江淹文采碧雲消，潘岳才華玉樹凋。
後爾千年開棧鑰，森然作者見風標。
棋花夕日禪相並，金櫃名山路未遙。
躋欲傾心數選，往高期無使竟蕭條。

次韻答吳正傳

諸老凋零半九原，後來英叢見蒼然。
高標寧復居人下，緩步猶須出我前天。
馬為誰生月窟仙，禽有日到芝田。
論心待取同傾蓋，可使空迴雪夜船。

寄葉審言

千里相思黃葉初，喜傳消息慰離居。
姓名漂入山公啓，懷袖元無賈誼書。
已分耕耘供賦斂，胡令汲引到樵漁。
臨歧躑躅頻回首，風雨蕭蕭鷹正踈。

獨立

數盡飛花一愴然
壯心迢遞夕雲邊
十年人事空流水
二月風光已杜鵑
過眼青春寧復得
污人黃土絕堪憐
故園尚有平生約
可使蒼苔到石田

即事

南陌東阡草色齊
惜惜門巷客未稀
受風燕子輕相逐
看雨楊花濕更飛
綠樹無言春又盡
紅塵如霧手頻揮
浮生莽莽吾何計
獨立看雲竟落暉

山中夜歸

溪山松葉行徃迷
獨穿瑩確幽步遲
驚風低卣山帟過
寒月挂樹天星垂
泉鳴荒處疲
半落露洗青林光
陸離茅簷抱藤者
誰子歌闋飯牛聲
正悲

旅夜

悲感飛鷺度眼明獨堵高枕數殘更薄游已倦新彈欵舊業猶
餘未棄柴一雨送晴初月色百蟲專夜故秋聲情知三十非年
少已覺人間有後生

三月三日西湖舟中

黃塵烏帽媿平生對客猶稱舊姓名此事正堪三太息祇今思
負四難并放舟乍落空濛境送酒元無幼寤聲金谷蘭亭嗟已
矣不妨時暫濯吾纓

金陵天津橋

五雲零落渺天涯陳跡蒼茫日自斜畫角已吹邊塞曲紅藍新
長內園花可憐遺老埋黃壤曾倚春風望翠華好在北山猿
鶴依然同住舊烟霞

送人歸豫章

已覺棲遲懶曳裾可能為我強躊躇
一帆秋色紅塵外千里江關白鴈初
建業水清誰共飲潯陽潮訖定無書
黃金未盡朱顏在莫種桃華學隱居

哭陳茂卿

多病文園鬢未霜可人風味故難忘
豈期疫癘奪無定竟使春天草不芳
賣藥幾時來海上遺文湏我訪襄陽
誰憐後死仍漂泊雲白山青自故鄉

宣城客中偶書

眼看春霄擁勝流漂零回首媿沙漚
黃塵烏帽知誰為白飯青烏復此留
未必愁康能作吏何妨李廣不封侯
敬亭雲鳥知無恙歎阮惟湏逐俊遊

梳頭得白髮

偶逐飛雲別，
礪岡解纓，
聊爾濯滄浪襟懷已久，
無山水容鬢誰
令有雪霜，
未必丹砂真，
却老可須白首更爲郎，
前脩未逮斯文
社努力無愁岐路長

送韶父先生遊京口

不到南徐三十春，
好將夢寐予遺民也，
知往事如流水，
程想重
來是後身，
棹響關河風色莫雲離，
野服髡毛新，
舊游偶失扶桑
踞煩向滄江一問津

山南先生挽詩

仰驚喬嶽失嶙峋，
千載風流可復聞，
鼎有丹砂輕縣令，
囊無蕙
以詫將軍芣袍，
歲月孤青簡，
石室文章閤白雲，
淚盡侯芭悲獨
立短衣高馬，
程紛紛

喜方韶父先生至蕪懷山南先生

夢覺秋宵失薜蘿尚煩青簡慰蹉跎山中舊別期猶在歲晚相逢感易多華表神僊成寂寞靈光風雨見差教百年珍重斯文寄趺足脩程可柰何

韶父先生有詩復次韻以和

兩翁故渡可憐人傾蓋長安四十春華屋山丘如隔日疲床風雨得彌旬書籤蕪菜裹仍仍在榻刺藤梢一一新淨寫餘哀寄冥漠大荒誰見下麒麟

寄張如心

謬羨侏儒抱一囊舊游搔首獨淒涼連天斷雁初沉日匝地寒花欲有霜聞道為郎頰白髮未殊高枕待黃粱紅顏好在張公子坐聽松風春晝長

送王傅用靜江教授

丞相威名震百蠻，蕭條異代得吾賢。
宦游忽過三湘去，家學應令四海傳。
北望犬牙連上國，疾占鷄尾直中天。
炎風朔雪皆王土，未覺青春雨露偏。

碧蓮峯下駐飛驒，風土遙知久自諳。
會有新書研禹貢，坐聞舊俗化周南。
深篁盡日迷山鬼，毒草無時起瘴嵐。
玆重斯文強冷飯，謬誇丹荔與黃甘。

送楊州傅學正

全淮控制列城遙，尚想青春虎豹驕。
一日江山走珠玉，萬家燈火沸笙簫。
喜逢才俊登文署，好頌升平答聖朝。
芍藥瓊花兒女事，可緣風月逗華鱗。

余山

春雲平落鴈無聲沙岸參差石有稜
覆屐漫窮芳艸徑一龕長
愧白頭僧晴濤閃閃翻孤日
山水昏昏捲翠藤後夜清風滿
遙念夢遊空指土方燈

龍潭山

二月清江照眼明避風楫滿迴汀
斷雲扶雨時時黑密之葉藏
花樹樹青習隱未成陶令賦
行詒聊共屈原醒碧潭光景無消
息坐看魚兒點翠萍

遣興

青雲如夢慨平生白髮驚春忽數莖
漸覺交遊隨日別強伍顏
色逐人行百年松檟誰能去
五畝煙霞故可耕妄念掃除潭欲
盡少游何得尚相輕

次韻方子踐觀湖

潮生潮落有時休朝暮吳兒幾白頭被髮祇誇迎駭浪側身寧
鮮障奔流江吹碧瓦人聲曉雲閃朱旗海氣秋後夜月明天在
水有誰能此試登樓

次韻子踐秋社歸巖南

又悟清都是夢中未嫌短褐任飄蓬時情冉冉心如醉世議紛
紛耳欲離會種枌榆依漢社共談未稼續幽風蹉跎偶負平生
約已復人間歲一終

子與劉君師魯為文字交十有四年而固未嘗相識也茲
過武林偶遠良覲有喜而賦

邂逅神交十載餘青楓落月幾愁予何言此日同傾蓋勝讀平
生未見書天上玉堂容可到山中金匱得長虛故多餘事宜商
略可待秋風怨索居

杭州寄里中一二同志

故山有路去無從，燈火關心夢不通。
浪走紅塵真自笑，舊游白社竟誰同。
胷中好貯千巖秀，眼底徐觀萬馬空。
風雨未休鴻雁斷，此懷渺渺故難窮。

同儒上人謁黃尊師于龍翔上方脩撰鄧公適至輒成小詩用紀盛集

坐陪三老畫文雄，政爾衣冠不苟同。
談笑流傳成故事，畫圖想像見高風。
丹崖方與霞標峻，碧海誰能鐵網空。
謬託下陳虛自詫，飛揚無力思何窮。

客樓雨中

江城飄泊動經年，晝日高樓閱過船。
睡起小窗初聽雨，岸旁垂柳已生煙。
坐拖歲月今如此，每望雲山欲泫然。
尚喜游從得諸

步時將樂事寄新篇

次韻吞蔣春卿

不謂紅塵拂面時軒然談咲一舒眉晴風石鼎浮花乳夜雨春盤冷碧絲握手遽成三宿戀論心那覺十年遲酒船魚網歸無計未必山前白鷺知

送楊山長歸錢塘

百里鄉心海鴈飛三年官况野鷗知兒童早已占歸信弟子應能頌去思茅屋荒田春草草杏花深巷雨絲絲人生適意須行樂駟馬高車恐未遲

章德懋同登車蓋

城南日日望蘇灣碧樹童童蓋一山何意茲辰成邂逅與君攜手共躋攀鈎衣亂石通步看面和風啓醉顏尚愛碑銘多楷

則俗書且勿聞妖媚

重遊毗山

十載重來思惘然勝遊邂逅一開顏
高林有色煙雲淨曲徑無香草樹閑
漫遣金樽催白日絕憐紅粉浣青山
南朝舊迹今誰記腸斷風流不可攀

湖山過葉士心目寄郭祥卿架閣

謝公城下踞春暉最憶東園夜不歸
落月清樽波潏潏高花銀燭霧霏霏
未愁強醉羅衣濕政恐重來燕麥稀
大地風濤竟誰料九霄一鵠看橫飛

大卿車公挽詩

靈光一夕失崔嵬多士相逢雨摧夾道
共看丹旆去道民猶憶繡衣來
蕭蕭悲吹蘋花冷渺渺卿山社宇哀
尖盡貞元舊朝

士臨岐無語重徘徊

後生無復望儀刑青史祗煩列姓名窮有遺文成鉅冢死無新爵上銘旌瓜田方任蓬蒿沒玉樹偏依雨露生舊笏滿床知未翰林風月向來清

次韻牟生薄南湖客中

遙望仙槎度碧湖翩然高興不枝梧也知白髮行相待無奈青山不受呼過眼光風殊獵獵露衣多露已塗塗相逢幸及南枝好一笑聊須引百壺

次韻姚子敬教授筠庵別業

故園煙樹渺江關長愧求閑未得閑客路獨愁黃葉下高人正在白雲間卜隣儻送容依止載酒終期共往還未嘗看山仍拄笏一竿付我釣滄灣

次韻別程晉輔教授

落拓江湖久不歸相逢還及
前玉笋飛青眼故多知己在

忽聞煙際蘭橈動誰共花
覺壯心遠赤霄孔翠吾何

望喔喔隣雞爾自肥

花信

已覺尋芳去較遲千林紅紫想
紛披幾經夜雨能無恙試問春
風竟不知斜日遊蜂應有夢野
亭立馬已多時殷勤却是江南
客曾擘冰霜寄一枝

草意

澹烟斜照舊離離吐漫芳心欲
向誰可是忘憂能自得若教指
佞定無私東風江上何人識南
國春未有夢知留取青青承雨
露未應紅紫浪相疑

五言絕句

山中偶題

古苔隱石色寒花明藥叢有時白
礪雨終日青松風

夜坐

涼風動千里孤坐思滄洲
白露洗明月青天此夜秋

七言絕句

寒食舟中

東風溪水碧漣漣溪上青蘿獨繫舡
正是落花寒食夜水煙沙月又啼鶻

史御史王公

有人新自甬東來別後音書第一回
欲問布帆無恙否豈知塵世隔蓬萊

被髮胡為竟渡河由來魑魅喜人過不須待聽山陽笛一曲空
篋哀思多

早歲棲身擬風池桑田為海已多時路人方為乘驄止流水生
涯遽可悲

玉堂政要謫仙人何意先成采石墳人物渺然時事異漫令平
地有青雲

金草原頭草未生兒郎俄已去騎鯨黃泉會有相逢處轉見人
間子母情

掉頭東下苦匆匆徑扶羣仙入貝宮眼底珊瑚高百尺釣竿吹
折一絲風

膠泥中流事可歎海雲飛雨失青天陸郎地下鷺相見應許未
遲二十年

孤兒思父母憐兒忍見銘旌獨返時畢竟江魚與螻蟻世間何物最堪悲

楚客猶疑刻劍痕秋風已到孟嘗門殘湖落月天涯夜剪紙誰拈萬里魂

天吳罔象政縱橫誰認鼇山頂上行海氣昏昏風雨惡夢中無路弔先生

金陵客中送友人歸里

青陽河畔杜鵑啼歸路如弦定不迷應到故山叢桂裏笑人騎馬學聽雞

有感

橘柚青黃照眼垂秋風籬落自紛披顏聞玉食登蠻果不獨涪州有荔枝

漢室需才拔隱淪
鼓刀屠狗正求伸
可憐風雪南山下
未有它年射虎人

葉審言張子良同遊北山智者寺既歸復與子良至赤松
由小桃源登煉丹山謁二皇君祠回宿寶積觀

天風吹我度崢嶸
春著千巒瀟瀟青紫陌
紅塵寧有此十年空
負比山靈

芙蓉峯下南朝寺
水秀山明兩絕奇
更向水窮山盡處
一菴高貯碧雲師

却問仙山去幾程
白雲如簇近相迎
直須不脫登山屐
行盡松聲與水聲

山中今是太平民
尚與人間隔幾塵
流水桃花三百曲
莫教重誤武陵人

偶看飛花逐水紅不知身過亂雲東
回頭旋覺羊腸別惟有青
天面面同

雙鶴冲天歲月多至今香火壓嵯峨
劉郎不是無兄弟奈此丹
難白犬何

坐愛春泉響翠微玉花吹濕薜蘿衣
何人為擘冰壺破共看青
天白練飛

削立城心雙白塔幾疑日月費撐支
一朝頓在闌干底始悟從
來見處早

遙憶仙華鶴髮翁清泉白石滿竒甬
若為此日千峯頂更試平
生九節筇

一宿山中竟莫留可能長伴漆松遊
殷勤好去張公子休愛人
間萬戶侯

避暑圖

一丘一壑古遺民，十里清風不屬人。
閑對青山揮白扇，世間何物是紅塵。

圍棋圖

有客看棋洞，歸天荒地老已多時。
人言此客殊癡絕，盡裏看棋我更癡。

陶學士驛舍圖

一嘆相逢亦偶然，浪將恩怨向人傳。
無端更被丹青污，狼藉春風數百年。

沈韻章兄雨中書懷

卧聽風水共喧喧，起視青空白雨懸。
祇謂桑田可無恙，不知江勢欲吞天。

茫茫平陸一尺水瑟瑟涼颼五月秋莫為天公無皂白誤將陰
雨怨鳴鳩

故山回首杜鵑啼客舍誰憐寄一炊賴有四門章博士不緣風
雨廢談詩

春盡餘寒去却回江天五月未聞雷南風祇在浮雲外彈折朱
弦喚不來

草長故山懷獨往苔生今雨歎離居誰能共飲桃源酒一醉千
年不願餘

偈二首

又謂聲聞難作佛今知龍女解成男分明信有旁人分五十三
身第一參

息心無想成無記有見還同有相存不盡普賢殊勝行隨方願

啓一城門

金華黃先生文集卷第二